



Na osnovu Zaključka o davanju saglasnosti na Program utroška sredstava na poziciji „Tekući transfer za naučnoistraživačku djelatnost“ Budžeta Zeničko-dobojskog kantona za 2018. godinu, broj: 02-14-3079/18. od 22.02.2018. godine, Ministarstvo za obrazovanje, nauku, kulturu i sport Zeničko-dobojskog kantona r a s p i s u j e

K O N K U R S

za dodjelu sredstava za sufinansiranje naučnoistraživačke djelatnosti

Konkurs se raspisuje za dodjelu jednokratne novčane pomoći za:

1. organiziranje naučnih skupova na području Zeničko-dobojskog kantona,
2. učešće naučnih radnika i studenata na naučnim skupovima u zemlji i inostranstvu,
3. izdavanje univerzitetskih udžbenika na visokoškolskim ustanovama na području Zeničko-dobojskog kantona.

1. Organiziranje naučnih skupova na području Zeničko-dobojskog kantona

Pravo prijave na Konkurs imaju pravna lica koja ispunjavaju sljedeće uslove:

- da je registrirano za obavljanje naučnoistraživačke djelatnosti na području Zeničko-dobojskog kantona,
- da ima sjedište na području Zeničko-dobojskog kantona,
- da je naučni skup bio ili će biti organiziran u 2018. godini.

Uz prijavu je potrebno priložiti:

- adresu (naziv pravnog lica), kontakt telefon,
- dokaz o registraciji pravnog lica – organizatora,
- podatke o naučnom skupu: naziv, mjesto i termin održavanja, broj učesnika, kao i obrazloženje,
- iznos sredstava planiranih za organizaciju naučnog skupa,
- ID broj-uvjerenje o poreznoj registraciji.

Budžetski korisnici koji se djelimično ili u cjelosti finansiraju iz Budžeta Zeničko-dobojskog kantona nemaju pravo na dodjelu jednokratne novčane pomoći za organiziranje naučnih skupova na području Zeničko-dobojskog kantona.

Pravna lica koja ostvare pravo na dodjelu sredstava za sufinansiranje naučnoistraživačke djelatnosti naknadno će dostaviti potvrdu banke o otvorenom računu (broj bankovnog računa pravnog lica) i solventnosti računa.

2. Učešće naučnih radnika i studenata na naučnim skupovima u zemlji i inostranstvu

Pravo prijave na Konkurs imaju kandidati koji ispunjavaju sljedeće uslove:

- da su državljani Bosne i Hercegovine,
- da imaju prebivalište na području Zeničko-dobojskog kantona,

- da im je rad prihvaćen od strane organizatora naučnog skupa.

Uz prijavu je potrebno priložiti:

- adresu (ime i prezime), kontakt telefon,
- uvjerenje o državljanstvu,
- prijavu prebivališta (CIPS),
- podatke o naučnom skupu (naziv, mjesto i datum održavanja, web site naučnog skupa, podatak o visini kotizacije),
- dokaz da je rad prihvaćen od strane organizatora naučnog skupa.

Osobe koje ostvare pravo na dodjelu sredstava za sufinansiranje naučnoistraživačke djelatnosti naknadno će dostaviti broj bankovnog računa (potvrda banke).

3. Izdavanje univerzitetskih udžbenika na visokoškolskim ustanovama na području Zeničko-dobojskog kantona

Pravo prijave na Konkurs imaju autori koji ispunjavaju sljedeće uslove:

- da su državljani Bosne i Hercegovine,
- da imaju prebivalište na području Zeničko-dobojskog kantona,
- da univerzitetski udžbenik izdaje visokoškolska ustanova na području Zeničko-dobojskog kantona.

Uz prijavu je potrebno priložiti:

- adresu (ime i prezime), kontakt telefon,
- uvjerenje o državljanstvu,
- prijavu prebivališta (CIPS),
- odluku senata visokoškolske ustanove o davanju saglasnosti za objavljivanje univerzitetskog udžbenika,
- predračun ili račun o troškovima štampanja udžbenika.

Osobe koje ostvare pravo na dodjelu sredstava za sufinansiranje naučnoistraživačke djelatnosti naknadno će dostaviti broj bankovnog računa (potvrda banke).

Tražena dokumentacija se dostavlja u originalu ili ovjerenim kopijama i ne vraća se.

Nepotpune i neblagovremene prijave neće biti razmatrane.

Konkurs je otvoren 15 dana od dana objavljivanja.

Prijeve sa traženom dokumentacijom dostaviti na Pisarnicu Zeničko-dobojskog kantona ili poštom na adresu:

**Ministarstvo za obrazovanje, nauku, kulturu i sport Zeničko-dobojskog kantona
Kučukovići 2, 72 000 Zenica**